

Ո Ր Ո Շ ՈՒ Մ N 1173/1
/վարչական տույժ նշանակելու մասին/

«20» նոյեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Արտակ Գենրիխի Հակոբյանի (անձնագիր՝ AR 0403715, հասցեն՝ Տավուշի մարզ, գ. Դեղձավան 1 փող., 1 նրբ., տուն 2) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Արտակ Գենրիխի Հակոբյանի անվամբ թիվ 05100010/300620/0036718 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով՝ մինչև 30.09.2020 թվականը, հայտարարագրվել են ապրանքներ: Սակայն սահմանված ժամկետում նշված ապրանքները չեն արտահանվել կամ ձևակերպվել այլ մաքսային ընթացակարգով, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արարատյան մաքսատուն-վարչության գլխավոր մաքսային տեսուչ-իրավաբանի կողմից 04.11.2020 թվականին Արտակ Գենրիխի Հակոբյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ գործի քննությունը նշանակվել է 20.11.2020 թվականին ժամը 10:30-ին: Գործի քննության վայրի և ժամանակի մասին ծանուցումն առաքվել է վերջինիս հասցեով: Համաձայն սահմանահատումների պատմության՝ Արտակ Գենրիխի Հակոբյանը 29.12.2019 թվականից մեկնել է ՀՀ-ից, ուստի, ղեկավարվելով ՀՀ մաքսային օրենսգրքի 219-րդ հոդվածի 2-րդ մասով, գործի քննությունն իրականացվել է վերջինիս բացակայությամբ:

ԵԱՏՄ մաքսային օրենսգրքի 219-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

ԵԱՏՄ մաքսային օրենսգրքի 220-րդ հոդվածի 2-րդ մասի 1-ին կետի համաձայն՝ ապրանքների՝ «Ժամանակավոր ներմուծում (թույլտվություն)» մաքսային ընթացակարգին համապատասխան օգտագործման պայմաններից է «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետի պահպանումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Արտակ Գենրիխի Հակոբյանի անվամբ թիվ 05100010/300620/0036718 ապրանքների հայտարարագրով հայտարարագրված ապրանքները, համաձայն ԵԱՏՄ ՄՕ-ի 226-րդ հոդվածի 1-ին կետի, խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրելու դեպքում կառաջանար մաքսային վճարներ ընդհանուր 182,937 ՀՀ դրամի չափով (42,773 ՀՀ դրամ ներմուծման մաքսատուրք, 140,164 ՀՀ դրամ ԱԱՀ):

Այսպիսով, վարույթի նյութերով հիմնավորվում է, որ Արտակ Գենրիխի Հակոբյանը սահմանված ժամկետում չի արտահանել թիվ 05100010/300620/0036718 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրված ապրանքները, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար Արտակ Գենրիխի Հակոբյանին ենթարկել վարչական պատասխանատվության՝ տուգանելով **91,469 ՀՀ դրամ**:
2. Որոշման մասին հայտնել Արտակ Գենրիխի Հակոբյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ

հողվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված տուգանքի վճարման հաշվեհամարն է 900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ